

重修高陽縣志序



邑有志猶國有史也其間之川源
田賦職官選舉人物菽林忠孝節
義建置祥異風氣好尚例得備載
俾採風問俗者按籍而攷利害之
興除政教之張弛燦若列眉瞭如
指掌庶幾式訓式行於以臨民敷
政以仰承

高陽縣志

序

一

聖天子一道同風之治則志之爲書不
誠重矣哉余自己酉秋奉

命承乏斯邑首先問邑志乃係前少師
孫文正公所修至

本朝康熙八年有進士韓篤臣偕文學
孫紫淵復加纂輯經宮保李文勤
公所總裁而鑒定者迄今歲且周
甲所謂職官選舉建置祥異忠義
節孝人物等類炳炳燁燁所當執
簡而記者尚缺焉未補今奉

上諭令郡州邑志再加輯訂余承檄祇
遵思高陽乃古帝封邱八才舊里
明允篤誠苞孕道脉由來久矣人
文之盛爲保郡之冠則徵文考獻
又何俟借才於他邑乎因廉訪得
李文勤公子兵部選司副郎顧齋

公解組閒居稽古博通品望素著
遂造廬而托重焉時方閉門謝軌
固辭弗許強而後可余用分薄俸
諏日啟館集邑諸生之積學勵行
者若而人分任叅校採訪諸事以
邱王兩廣文先生佐之而王先生

贊勩之力爲尤多未半載而哀然
成帙披覽之餘簡而不遺文而不
縛典而不譌公而不刻厚而無私
紹衣之業直與文勤公後先輝映
余不禁踴躍藉手以告厥成功焉
此蓋顧齋公之家學淵源留心典

籍向有手編藏笥是以出其舊輯
稽考精詳校訂無訛刪繁就簡斟
酌盡善又得士大夫捐囊襄工增
補續刊剋期告竣頓成巨觀今我
皇上撫御區夏銳意圖治大化翔洽湛
恩汪濊減賦蠲租之

詔旁求俊乂之文無歲不下廣搜博
採盈廷師濟吏治蒸蒸日上可謂極
隆之盛矣矧斯邑東接瀛海西望
恒山南通齊魯北拱

神京爲

畿輔首善之地尤爲採風問俗者所

必及而臨民敷政之際余敢不一秉虛公竭其駑鈍以仰答

朝廷簡任之隆恩承宣


上官表率之盛意也乎則斯志之搜輯舊聞昭示來茲所藉乎編摩之功者豈曰小補之哉是爲序

高陽縣志

序

五

雍正八年上章閩茂之歲且月天
貺節文林郎知高陽縣事紀錄二
次秀江嚴宗嘉孚亭氏撰



重修高陽縣志叙

今上建元之七年府修事和率士同風
乃下

詔館閣撰修大清一統志下逮郡邑甚
盛典也先是戊申夏余叨

特旨授完令黽勉夙夜勤不足補拙

高陽縣志

叙

切毫素丹黃黻黼太平之事徒有
志未逮竊自愧文獻之家聲久矣
越明年己酉檄予署高陽事會修
志之

命至余職不得辭乃取舊志讀之凡十
有四卷自明孫相國創始歷兵燹

後書缺有間矣邑宮師李文勤公復手訂之觀成於康熙己酉體大而思精踵事者慮難爲繼而公令嗣武選先生實茲邑典型也予因造廬請焉甫兩月而新尹嚴孚亭至又明年庚戌武選佐孚亭竣厥

觀京師武選又走書敦前請顧予何敢事徵予言爲序時予謬副薦刻入以虛辭自文然而此役之終始與武選之所以成此役者予則不敢隱也嘗思邑之有志固國史之支裔而家乘之大宗也柱下之藏盛

矣大之郊社禘嘗典謨誓命訓誥
皆於是徵焉次之采風貢詩述職
拜版事雖隸於六卿而太史氏珥
筆隨之紀載之文可考而知也周
禮小史掌邦國之志以奠世系辨
昭穆龍門創爲史裁以世家予諸

侯而列傳之例父子族屬得次及
隋唐之間重族望故譜學最盛纂
史者亦資之自是以來歐蘇外寥
寥無聞凡故家大族流風軼行節
義文章湮滅者不可勝道而一二
細民至問其高曾名諱不能答何

論其餘於是放言橫議者得逞其
瑰異之詞汗漫之說窮搜幽隱以
傳疑於來世後之人亦孰從而質
之嗚呼此紀述之所以難而老成
人之所關非細故也武選平生視
國事如家事以文史爲世業讀所

爲新志迄於今止上溯之周一甲
子其義例準諸國史而舉要刪繁
會文切理旣詳且慎悉本之家學
誠可謂善繼述者矣維時有諸生
韓子本初李子蘊奇李子惕難孫
子仁蒼蒼皆潛修篤行竊比澹臺之

風者萃力草創不蔓不支武選又
討論而修飾之孚亭復潤色成書
因憶甲辰冬族人議訂譜乘予供
奔走司采輯不能自成一家言如
武選之踵武前人承乏完邑已歷
三載又無尺寸功及民可附入於


宦紀遑論高陽五日京兆哉用還
報武選曰惠予多矣請以此志予

愧時

雍正八年歲次庚戌七月旣望八日
賜進士出身直隸完縣知縣紀錄三次

前署高陽縣事新安呂守曾題于

燕臺行署



高陽縣志

叙

六

舊序

夫地以人重人以地重兩相爲重所從來矣自頃少傅孫公秉鈞平章折衝牙齋寓內識不識稱半千名世無不爲高陽首指屈之而在少傅公所著高陽志若干卷授梓於邑令唐侯廣其傳春因得受而卒業竊嘆公以燕許名家自弱冠閱史迄於木天燃藜注意邑里故實輒手錄成帙已而以上公書殿之榮兼元老壯猷之任

高陽縣志

錢序

望侔且爽世係安危尚肯於一片石珠玑玉版邊爲桑柘不朽了子墨客卿隄塵生活難其先後體裁大小意義探頤補漏提要鉤玄彙爲志十四括爲方域至佚事一一條分縷析無不采百氏之籍成一家之言因而想見投壺雅歌綸巾羽扇氣象區區磨墨盾鼻草檄愈頭曷足以云難公自登第天性善善包荒不遺卽所著職官旁及人物一一咀英前代茹華本朝每隻字

陽秋生色水鏡卽俗吏如春承乏庖俎垂二十
年於茲亦獲以斗筲伎倆備籠收玷夾袋凡此
誌難難在他人公獨易自是高陽八方向以明
允篤誠苞孕道脉之墟得公益光而猶不棄葑
菲屬春爲之叙叙曰稽古顓頊疏茅幽薊犄角
瀛海股肱北平是志輿地彈丸一同閱幾因革
定中作室經始落成是志建置往昔周宋竭蹶
防邊今依日月日不知兵然而戊己庚戌以來

劉齊漢弄猶幸唐宋來范陽府衛兵強壯弓箭
社可作榜樣是志兵政地瘠民貧諸凡常平社
倉旱澇有備自是踐更藉手石壕息譁是志食
貨兵食足矣自古無法不治有法無人不治矧
夫祥鸞牂羊富教互異其他展采競爽刃解是
志職官名宦名宦得人士類于喁俗革飲羊氣
吐變豹次第以及子侯戚畹或勲崇延賞或名
高伏蒲是志選舉人物侯籍氏望獻徵景鑠國

與攸關矧夫鉅公名流毫揮珠玉華辭斷簡逸
在山澤是志藝文春秋觀象洪範占應堯水湯
早資以砥傲惕衷是志禩祥齊諧語惟名理不
廢矧玄玄空空靈威冥夜禪官叢談錯采碎金
是志僊釋寺觀翰墨邱墓佚事邑志向在蕪廢
前矧於公自古迄今聞人不乏未有將相並擅
者將相並擅僅見於公試屈指軍興謀隱帷幄
功垂社稷不日燕喜受祉可跂見焉而總合爲

邑乘之盛生輝元凱千載詎偶然哉爰綴末簡
質之唐侯以進於公而且自信不阿天啟四年
歲在甲子孟冬穀旦賜同進士出身亞中大夫
光祿寺卿前知高陽縣事蘭陵錢春揆

舊序

蓋聞修廢舉墜有司責也况大典章乎古者采風貢俗十五國奢儉貞淫具登歌謠春秋繼作凡征伐會盟列國之事褒貶寓焉秦并天下而郡縣之漢興司馬氏纂紀傳後世因之以記政治得失盛衰始末之故其散見於一郡一邑者曰志志者志幅員廣狹流峙變易象緯徵應人物鍾毓與夫牧化土尚千百年如列眉睫脩掌

高陽縣志

舊序

故資輶軒志可忽乎哉高陽古項帝墟歷代沿革或扞關路或建郡邑燕南趙北之區偉人輩出忠義節孝文廉武俠薪火相承由來遠矣自少師孫公博綜古今手編成書探賾括隱類分例析有倫有春炳炳珠玉之璀璨然可不謂大典章乎余視巨篆愛而讀焉字多舛訛卷半缺落起嘆全豹之莫窺也嗟乎修廢舉墜非有司今日責耶余雖不敏詎弗勉諸會篤臣韓君紫

淵孫君雅有同心謀今宮保李公欣從余請爰
搜舊本付剞劂如式補刊增續簡策咸歸鴻裁
士大夫捐橐囊工頓還巨觀風可采而俗可貢
也端在茲乎端在茲乎若近徽邇懿需久論定
者則猶未遑以俟後之君子云

峇

康熙己酉仲春穀旦知高陽縣事今陞禮部儀
制司主事文江廖玉謹跋

高陽縣志

廖序

二

舊序

定一代之事者存乎識成一代之書者存乎學
識非學弗充學非識弗斷然能入而成一代之
書必其能出而定一代之事者也拘儒老守章
句無論已間有英異者流生平藻思泉湧徒爲
風雲月露之詞詢及土宜民俗若墜重霧後來
事業亦殆可知一邑者天下之積天下者一邑
之推則能入而成一邑之書者又必能出而定

高陽縣志

翁序

一

天下之事高陽縣志修於前少師孫凱陽先生
先生於勝國之時脩位且爽不難以所見所聞
輯成大觀是有爲之先弗慮有美不彰第多歷
年所而斷編殘簡拱璧弗完不幾莫爲之後雖
盛不傳乎進士篤臣韓君憂之遂借孫文學紫
淵以重梓爲己任搜其散帙增以近事因得請
於今宮保李公總裁而鑒定之是又前少師與
今宮保旣各出而定一代之事復入而合成一